

傳科全書

男科上

光緒四年重鐫

太原傅青主先生著

傅科全書

大荔李致遠堂藏板

序

世傳先生字不如詩詩不如畫畫不
如醫醫不如人先生之高遠固不可
以區區之醫見也而先生有所著性
史十三經字區周易偶釋周禮音辨
條春秋人名韻地名韻兩漢人名韻
等書不概見於世雖欲言先生之高

莫之由也今讀先生之傳想先生之
為人豈非所謂天子不得臣諸侯不
得友者歟先生有女科傳於世平嘗
遵治家人婦女無一不效嘗語人曰
先生女科神乎神矣惜未有男科傳
焉或謂子不聞諺乎能治十男子不
治一女人女科難男科易故有傳有

不傳耳似也而心疑之癸亥秋有邦
定羅公持先生男科小兒科以相示
平見而奇之究其所從來羅曰道光
初年余家刻印先生女科是時平定
州孫毓芝先生為余家西席由平定
州攜至舍下余抄之藏笥已四十餘
年矣今有鄉人生產胎衣不下求方

於余余搜女科而得此因子好女科
而特為相示平受而讀之讀而抄之
且欲板之奈心餘力欠遲者久之
是冬十月有寶翰羅公正南王公書
銘安公敦友羅公亦善此書於是各
捐板資於親友以共成其事願仁人
君子勿視此為易易先生此書祇言

病之形不論病之脈明白顯易使人
一望而即知其病是寒是熱屬實屬
虛真深入顯出似易而實難也非深
精脈理不能為此先生蓋精於岐黃
而通以儒義不囿於叔和丹溪之言
而獨有所見探古人未探之本傳古
人未傳之妙實大有益於人世能救

序
死於呼吸間也 平本才疎學淺見小
識寡不足為先生序且不敢為先生
序而今竟序之者蓋十一月二十三
日已詣平邑古陶書院求序於松龕
徐大人而徐大人赴省公幹梓人索
序而待觀者又欲亟成其書無奈序
之亦不過序其稿之所由來板之所

由成耳世有能文之士棄此而重為
之序是所至禱

同治二年十二月

康衢王道平識

明生員傅先生山傳

提督學政嵇曾筠撰

傅先生名山。字青主。一字公他。陽曲人。祖霖。官山東遼海
叅議。父之謨。明經授徒。號離垢先生。山生而穎異。讀書十
行并下。過目輒能成誦。年十四。督學文太青拔入庠。繼文
者。袁臨侯先生繼咸也。一見深器之。准食餼。檄取讀書三
立書院。時時以道學相期許。山益發憤下帷。袁每云山文
誠佳。恨未脫山林氣耳。崇禎丙子。繼咸為直指張孫振誣
詆下獄。山徒步走千里外。伏闕訟冤。孫振怒。大索山。山敝

衣藍縷。轉徙自匿。百折不回。繼成寃。得白。當是時。山義聲聞天下。後繼咸官南方。數召山。山終不往。國朝定鼎。自九江執繼咸北上。山乃潛入都。密候繼咸起居。繼咸見殺。山收其遺藁而歸。山性至孝。父之謨病篤。朝夕稽顙於神。願以身代。旬日父愈。人謂孝通神明。不異黔婁云。執親喪。哀毀特甚。苦塊米飲。不如蔬果。友愛諸季。先人遺產。第蕩費強半。終身無怨色。弟歿。撫遺孤。過於己子。失偶時。年二十七。子眉甫五齡。旁無妾媵。誓不復娶。於里黨姻戚。竭力調其緩急。為人分別有讓。恭儉下人。與人言。依於忠孝。謀

事要於誠實。蓋其敦厚彝倫根本自然。非有強也。自李自成犯京師。明莊烈皇帝殉國。山遂絕意進取。棄青衿為黃冠。號石道人。擇衣草履。時遨遊於平定祁汾間。所至有墨痕筆跡。工詩賦。善古文詞。臨池得二王神理。該博古今典籍。百家諸子。靡不淹貫。大叩大鳴。小叩小鳴。復自託繪事。寫意曲盡其妙。精岐黃術。遂於脉理而時通以儒義。不拘拘於叔和丹溪之言。踵門求醫者戶常滿。貴賤一視之。家故饒。至是漸益。宴安貧樂道。泊如也。屋舍田園多為細人竊據。概置不問。康熙戊午。詔舉博學宏詞。廷臣文章荐

山。山堅以老病辭。當事者立迫就道。道稱股病不能行。肩輿舁入都。卧旅邸不赴試。滿漢王公九卿賢士大夫。下逮馬醫。夏畦市井細民。莫不重山行義。就見者羅溢其門。子眉送迎常不及。山但欹倚榻上。言衰老不可為禮。諸貴人益以此重山。弗之怪也。明年三月。吏部驗病入告奉旨。傳山文學素著。念其年邁。特授內閣中書。著地方官存問。遂得放歸。愈澹泊自甘。僻居遠村。不入城府。然欽其名者益衆。率紆道往見。冀得一面為榮。又六年卒。遠近會葬者數千百人。山所著有性史。十三經字區。周易偶釋。周禮

音辨條。春秋人名韻。地名韻。兩漢人名韻等書。

嵇禮齋曰。昔者嘗怪先生值堯舜之世。篤志高尚。懇辭徵辟。何其果也。及讀漢史。見周黨王霸之為人。初不辱於新莽。建武復辟。連徵不起。乃知士各有志。先生蓋有道而隱者也。彼誠見夫有明末季。上下交征。利卒滅亡於寇盜之手。固已心寄夫長林豐草矣。甯復以青紫為榮耶。至若義白知己之冤。其賢於世之平居師友相親慕。臨難背負。不一引手拯。漠然若不相識者。亦遠矣。古云。民生於三。事之如一。惟其所在。則致死焉。先生真無愧哉。

贊曰。於惟先生得聖之清。訟冤奔計。蒙難不驚。辭榮却聘。先民是程。功在名教。百世景行。

鐵城寄傅青主

附札二首
錄霜紅龕集

宜春袁繼成

袁山

獨子同憂患。于今乃別離。乾坤留古道。生死見心知。貫械還餘草。傳燈不以詩。悠悠千載業。努力慰相思。

江州求死不得。至今只得為其從容者。聞黃冠入山養母甚善。甚善此時不可以步口口。也有詩一冊付曲沃。

錫珽屬致門下藏之山中矣。可到來。

乙酉
冬李

前詩到未若未到門下不可往取可屬西河曹孝廉緩
頌取之必藏之門下所目今著經觀史觀二書經觀薄
就矣史觀尚未竟不知能終竟此業否晉士惟門下知
我甚深不遠蓋棺斷不敢負門下之知使異日羞稱袁

繼咸為友生也

丙寅秋初

徵君傳山傳

附錄池北偶談

濟南王士禛貽上著

徵君傳山字青主一字公佗太原府人母夢老比丘而生
生復不啼一瞽僧至門云既來何必不啼乃啼六歲食黃

精不樂穀食。強之乃復食。讀十三經諸子史。如宿通者。崇
正十年。袁臨侯繼咸督學山西。為巡按御史。張孫振誣劾
被逮。山索贖左右。伏闕上書白其冤。諭德馬君常世奇作
山右二義博士。謂山與汾陽薛宗周比之裴瑜魏劭。亂後夢天帝

賜黃冠衲衣。遂為道士。裝醫術入神。有司以醫見。則見不

然不見也。康熙戊午徵聘至京師。以老病辭。已未與范

陽杜樾俱授內閣中書舍人。歸里。山工八分隸。及金石

篆刻。畫入逸品。子眉字壽髦。亦工畫。作古賦數十篇。常

鬻藥四方。兒子共輓車。暮抵逆旅。輒篝燈課讀經史騷賦。